

唐詩菁華

四

編者 劉漱石

唐詩菁華

四

周南



浙江文藝出版社

李德裕

李德裕（七八七—八四九），字文饒，趙郡人。于穆、文、武、宣宗時為官，因「牛李黨爭」幾經貶黜。有《會昌一品集》二十卷，別集十卷，外集四卷傳世。《全唐詩》卷四七五編詩一卷，計一百四十一首。

題劍門

奇峰百仞懸，清眺出嵐煙。迴若戈迴日，高疑劍倚天。參差霞壁聳，合沓翠屏連。想是三刀夢，森然在目前。

洛中士君子多以平泉見呼愧獲方外之名因此詩爲報奉寄劉賓

客

非高柳下逸，自愛竹林閒。才異居東里，愚因在北山。徑荒寒未掃，門設晝長關。不及鴟夷子，悠悠煙水間。

汨羅

遠謫南荒一病身，停舟暫弔汨羅人。都緣靳尚圖專國，豈是懷王厭直臣。萬里碧潭秋景靜，四時愁色野花新。不勞漁父重相問，自有招魂拭淚巾。

李涉

李涉（生卒年不詳），洛陽人，自號「清溪子」。憲、文宗時曾為官。有集一卷傳世。《全唐詩》卷四七七編詩一卷，計一百一十七首。

與弟渤新羅劍歌

我有神劍異人與，暗中往往精靈語。識者知從東海來，來時一夜因風雨。長河臨曉北斗殘，秋水露背青螭寒。昨夜大梁城下宿，不借蹀跖光顏看。刃邊颯颯塵沙缺，瘢痕半是蛟龍血。雷煥張華久已無，沉冤知向何人說。我有愛弟都九江，一條直氣今無雙。青光好去莫惆悵，必斬長鯨須少壯。

牧童詞

朝牧牛，牧牛下江曲。夜牧牛，牧牛度村谷。荷蓑出林春雨細，蘆管卧吹莎草綠。亂插蓬蒿箭滿腰，不怕猛虎欺黃犢。

題鶴林寺僧舍

終日昏昏醉夢間，忽聞春盡強登山。因過竹院逢僧話，又得浮生半日閒。

再宿武關

遠別秦城萬里遊，亂山高下出商州。
關門不鎖寒溪水，一夜潺湲送客愁。

哭田布

魏師臨陣却抽營，誰管豺狼作信兵。
縱使將軍能伏劍，何人島上哭田橫。

竹裏

竹裏編茅倚石根，竹莖疏處見前村。
閒眠盡日無人到，自有春風爲掃門。

陸暢

陸暢（生卒年不詳），字達夫，湖州人。憲宗時及第。《全唐詩》卷四七八編詩一卷，計三十首。

宿陝府北樓奉酬崔大夫二首

樓壓黃河山滿坐，風清水涼誰忍卧。
人定軍州禁漏傳，不妨秋月城頭過。

一別朱門三四春，再來應笑尚風塵。昨宵唯有樓前月，識是謝公詩酒人。

成都送別費冠卿

紅椒花落桂花開，萬里同遊俱未迴。莫厭客中頻送客，思鄉獨上望鄉臺。

題獨孤少府園林

四面青山是四鄰，煙霞成伴草成茵。年年洞口桃花發，不記曾經迷幾人。

楊敬之

楊敬之（生卒年不詳），字茂孝，號州人。憲宗時及第。《全唐詩》卷四七九錄詩二首。

贈項斯

幾度見詩詩總好，及觀標格過於詩。平生不解藏人善，到處逢人說項斯。

張又新

張又新（生卒年不詳），字孔昭，深州人。憲宗時及第。《全唐詩》卷四七九錄詩十七首。

牡丹

牡丹一朵值千金，將謂從來色最深。今日滿欄開似雪，一生辜負看花心。

李紳

李紳（七七二—八四六），字公垂，潤州人。憲宗時進士，武宗封為趙國公。首創新題樂府。《全唐詩》卷四八〇—四八三編詩四卷，計一百三十六首。

憶過潤州

元和二年，余以前進士為鎮海軍書奏從事。秋九月兵亂，余以不從書奏飛檄之詐，遭庶人李錡暴怒，腰領不殊者再三。後軍平，尚書李公欲具事以門，余以本乃誓節，非欲求榮，請罷所奏。

昔年從宦干戈地，黃綬青春一魯儒。弓犯控絃招武旅，劍當抽匣問狂夫。帛書投筆封魚腹，玄髮衝冠捋虎鬚。談笑謝金何所愧，不為偷買用兵符。

古風二首

春種一粒粟，秋成萬顆子。四海無閒田，農夫猶餓死。

唐詩精華
一
鋤禾日當午，汗滴禾下土。誰知盤中餐，粒粒皆辛苦。

鮑溶

鮑溶（生卒年不詳），字德源，可能為楚人。憲宗時及第。《全唐詩》卷四八五—四八七編詩三卷，計一百九十八首。

寄福州從事殷堯藩

越嶺寒輕物象殊，海城臺閣似蓬壺。幾回入市鮫綃女，終歲啼花山鷓鴣。雷令劍龍知去未，虎夷雲鶴亦來無。就中靜事冥宵話，何惜雙輪訪病夫。

採蓮曲二首（錄一首）

其二

採蓮竭來水無風，蓮潭如鑑松如龍。夏衫短袖交斜紅，艷歌笑鬪新芙蓉，戲魚往聽蓮葉東。

上巳日寄樊瓘樊宗憲兼呈上浙東孟中丞簡

世間禊事風流處，鏡裏雲山若畫屏。今日會稽王內史，好將賓客醉蘭亭。

舒元興

舒元興（七八九—八三五），婺州人。憲宗時及第。《全唐詩》卷四八九存詩六首。

贈李翱

湘江舞罷忽成悲，便脫蠻靴出絳帷。
誰是蔡邕琴酒客，魏公懷舊嫁文姬。

周匡物

周匡物（生卒年不詳），字幾本，漳州人。元和十一年及第，仕至高州刺史。《全唐詩》卷四九〇存詩五首。

應舉題錢塘公館

萬里茫茫天塹遙，秦皇底事不安橋。
錢塘江口無錢過，又阻西陵兩信潮。

陳去疾

陳去疾（生卒年不詳），字文醫，侯官人。憲宗元和年間及第。《全唐詩》卷四九〇存詩十三首。

西上辭母墳

唐詩書華 一九二
高蓋山頭日影微，黃昏獨立宿禽稀。林間滴酒空垂淚，不見
丁寧囑早歸。

張蕭遠

張蕭遠（生卒年不詳），和州人。憲宗時及第。《全唐詩》卷四九一存詩三首。

觀燈

十萬人家火燭光，門門開處見紅妝。歌鐘喧夜更漏暗，羅綺
滿街塵土香。星宿別從天畔出，蓮花不向水中芳。寶釵驟馬多遺
落，依舊明朝在路傍。

王初

王初（生卒年不詳），并州人。憲宗時及第。《全唐詩》卷四九一存詩十九首。

春日詠梅花二首（錄一首）

其一

靚妝纔罷粉痕新，遞曉風迴散玉塵。若遣有情應悵望，已兼
殘雪又兼春。

殷堯藩

殷堯藩（生卒年不詳），蘇州人。憲宗時及第。《全唐詩》卷四九二編詩一卷，計八十八首。

寄許渾秀才

文字饑難煮，爲農策最良。興來鉏曉月，倦後卧斜陽。秋稼連千頃，春花醉幾場。任他名利客，車馬鬧康莊。

送客遊吳

吳國水中央，波濤白渺茫。衣逢梅雨漬，船入稻花香。海戍通鹽竈，山村帶蜜房。欲知蘇小小，君試到錢塘。

韓信廟

長空鳥盡將軍死，無復中原入馬蹄。身向九泉還屬漢，功超諸將合封齊。荒涼古廟惟松柏，咫尺長陵又鹿麋。此日深憐蕭相國，竟無一語到金閨。

沈亞之

沈亞之（？—八三一？），字下賢，吳興人。憲宗時及第。《全唐詩》卷四九三編詩一卷，計二十五首。

春色滿皇州

唐詩精華 一九三
何處春輝好，偏宜在雍州。花明夾城道，柳暗曲江頭。風軟
遊絲重，光融瑞氣浮。鬪雞憐短草，乳燕傍高樓。繡轂盈香陌，
新泉溢御溝。迴看日欲暮，還騎似川流。

施肩吾

施肩吾（生卒年不詳），字希聖，睦州人。憲宗時及第，后隱居洪州西山。《全唐詩》卷四九
四編詩一卷，計一百九十八首。

效古興

金雀無舊釵，綳綺無舊裾。唯有一寸心，長貯萬里夫。南軒
夜蟲織已促，北牖飛蛾遶殘燭。只言衆口鑠千金，誰信獨愁銷片
玉。不知歲晚歸不歸，又將啼眼縫征衣。

贈邊將

輕生奉國不爲難，戰苦身多舊箭瘢。玉匣鎖龍鱗甲冷，金鈴
襯鵲羽毛寒。皂貂擁出花當背，白馬騎來月在鞍。猶恐犬戎臨虜
塞，柳營時把陣圖看。

江南怨

愁見橋邊荇葉新，蘭舟枕水楫生塵。從來不是無蓮採，十頃蓮塘賣與人。

山中送友人

欲折楊枝別恨生，一重枝上一啼鶯。亂山重叠雲相掩，君向亂山何處行。

折柳枝

傷見路邊楊柳春，一重折盡一重新。今年還折去年處，不送去年離別人。

玩手植松

却思毫末栽松處，青翠纔將衆草分。今日散材遮不得，看看氣色欲凌雲。

姚合

姚合（七八一？—八四六），湖州人。憲宗時及第。曾取王維等人詩百篇，輯為《極玄集》并傳世。《全唐詩》卷四九六—五〇二編詩七卷，計五百三十三首。

別賈島

唐詩精華
懶作住山人，貧家日賃身。書多筆漸重，睡少枕長新。野客狂無過，詩仙瘦始真。秋風千里去，誰與我相親。

別杭州

醉與江濤別，江濤惜我遊。他年婚嫁了，終老此江頭。

寄李頻

閉門常不出，惟覺長庭莎。朋友來看少，詩書卧讀多。命隨才共薄，愁與醉相和。珍重君名字，新登甲乙科。

寄王玄伯

夜歸曉出滿衣塵，轉覺才名帶累身。莫覓舊來終日醉，世間杯酒屬閒人。

武功縣中作三十首

（錄四首）

其一

縣去帝城遠，爲官與隱齊。馬隨山鹿放，雞雜野禽棲。遶舍惟藤架，侵階是藥畦。更師嵇叔夜，不擬作書題。

其三

微官如馬足，只是在泥塵。到處貧隨我，終年老趁人。簿書銷眼力，杯酒耗心神。早作歸休計，深居養此身。

其四

簿書多不會，薄俸亦難銷。醉卧慵開眼，閒行懶繫腰。移花兼蝶至，買石得雲饒。且自心中樂，從他笑寂寥。

閒居

不自識疏鄙，終年住在城。過門無馬跡，滿宅是蟬聲。帶病吟雖苦，休官夢已清。何當學禪觀，依止古先生。

山中述懷

爲客久未歸，寒山獨掩扉。曉來山鳥散，雨過杏花稀。天遠雲空積，溪深水自微。此情對春色，盡醉欲忘機。

秋夜月中登天壇

秋蟾流異彩，齋潔上壇行。天近星辰大，山深世界清。仙飆石上起，海日夜中明。何計長來此，閒眠過一生。

喜賈島雨中訪宿

雨裏難逢客，閒吟不復眠。蟲聲秋併起，林色夜相連。愛酒此生裏，趨朝未老前。終須攜手去，滄海棹魚船。

心懷霜

欲識爲詩苦，秋霜若在心。神清方耿耿，氣肅覺沈沈。皓素中方委，嚴凝得更深。依稀輕夕渚，仿佛在寒林。思勁悽孤韻，聲酸激冷吟。還如飲冰士，勵節望知音。

周賀

周賀（生卒年不詳），字南卿，東洛人。原名清塞。《全唐詩》卷五〇三編詩一卷，計九十三首。

長安送人

上國多離別，年年渭水濱。空將未歸意，說向欲行人。雁度池塘月，山連井邑春。臨歧惜分手，日暮一霑巾。

杪秋登江樓

平楚起寒色，長沙猶未還。世情何處淡，湘水向人閒。空翠隱高鳥，夕陽歸遠山。孤雲萬餘里，惆悵洞庭間。

鄭巢

鄭巢（生卒年不詳），錢塘人。宣宗時進士，不仕而終。《全唐詩》卷五〇四編詩一卷，計二十九首。

瀑布寺貞上人院

林疏多暮蟬，師去宿山煙。古壁燈熏畫，秋琴雨潤絃。竹間窺遠鶴，巖上取寒泉。西嶽沙房在，歸期更幾年。

王叡

王叡（生卒年里不詳），自號「炙轂子」。《全唐詩》卷五〇五存詩九首。

松

寒松聳拔倚蒼岑，綠葉扶疏自結陰。丁固夢時還有意，秦王封日豈無心。常將正節棲孤鶴，不遣高枝宿衆禽。好是特凋羣木後，護霜凌雪翠踰深。

解昭君怨

莫怨工人醜畫身，莫嫌明主遣和親。當時若不嫁胡虜，只是宮中一舞人。